

L'adio al paîs dal emigrant Clevolan

O Gleisiuta Clevolana

O gleisiuta clevolana
Su, parsora la ruvîs!
Cun chel son da tô cjampana,
encja i muarts ai torna vîs.

Binanot, cjara capela,
cul to tor poiât sul plan!
Tu, par me, tu seis plui biela
di chel Domo di Milan.

O Signôr, che dal sostegno,
vou veglais par dongja il puint;
par plasei toleit l'impegno
di cjalâ su la mê int.

O Signôr, daimi la gracia
di tornâ dongja i miei cjârs;
slontanait ogni disgrazia
e judaimi intai afârs.

O Signôr, daimi il coragjo
di stacâmi dal paîs!
tignît vîf in me chel ragjo
ch'al jes fûr da so ruvîs.

Binanot, o mê cjasuta,
Binanot, Signôr dal puint.
Tal gno cûr una agrimuta
a va jù biel plan lusint.